



NAŠA
STRANKA

Politička organizacija građana "Naša stranka"
Braničeva Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Bosna i Hercegovina Federacija Bosne i Hercegovine			
KANTON KANTON KANTON			
VALJENO: 21-07-78			
VALJENO:			
Spisak jedinica	Klasifikaciona oznaka	Razni broj	Broj priloga
01.			

Sarajevo, 21.07.2017.

AMANDMANI

**Predrag Kojović
Zastupnik u Skupštini Kantona Sarajevo
Naša stranka**

Dostaviti:

Vlada Kantona Sarajevo
jevo Elmedin Konaković

Skupština Kantona Sarajevo
n/r predsjedavajuća Skupštine Kantona Sarajevo Ana Babić

PREDMET: AMANDMANI NA PRIJEDLOG AMANDMANA L DO LVII NA USTAV KANTONA SARAJEVO

Poštovani,

U skladu sa članovima 183. do 188. Poslovnika Skupštine Kantona Sarajevo, kao ovlašteni predlagач, uime Kluba Naše stranke u Skupštini Kantona Sarajevo dostavljam amandmane na Prijedlog amandmana na Ustav Kantona Sarajevo koje je podnijela Vlada Kantona Sarajevo.

Tražim da se Skupština Kantona Sarajevo očituje o predloženim amanadmanima u okviru tačke koja će razmatrati ovaj Prijedlog.

Amandmane dostavljam u prilogu ovog dokumenta.

S poštovanjem,

Predrag Kojović
Zastupnik Naše stranke
Skupština Kantona Sarajevo



Na osnovu članova 183. i 184. Poslovnika Skupštine Kantona Sarajevo, uime Kluba zastupnika Naše stranke, kao ovlašteni predlagač Skupštini Kantona Sarajevo, upućujem sljedeće amandmane:

AMANDMANI NA PRIJEDLOG AMANDMANA L DO LVII NA USTAV KANTONA SARAJEVO

AMANDMAN I

Amandman LI se mijenja i glasi:

„Član 4b. Ustava Kantona Sarajevo, koji je dodat amandmanom II na Ustav Kantona, mijenja se i glasi:

(1) Grad Sarajevo ima Gradsko vijeće koje čini 31 vijećnik koji se biraju na neposrednim i tajnim izborima u skladu sa Izbornim zakonom Bosne i Hercegovine iz jedinstvene izborne jedinice koja obuhvata područje općina koje ulaze u sastav Grada Sarajeva.

(2) Najmanje po 4 vijećnika iz reda bošnjačkog, hrvatskog, srpskog naroda i Ostalih će biti izabrano u Gradsko vijeće.“

OBRAZLOŽENJE

Riječ je o izmjeni člana 4b. koji je ranije propisivao minimalnu zastupljenost vijećnika, te posredni izbor vijećnika iz svake gradske općine. Ova izmjena predviđa direktni izbor vijećnika na izborima, sa jasno propisanim brojem vijećnika u Gradskom vijeću Grada Sarajeva, te obaveznoj minimalnoj zastupljenosti pripadnika konstitutivnih naroda i pripadnika Ostalih.

AMANDMAN II

Amandmanu LII se briše.

OBRAZLOŽENJE

Predloženim amandmanom se dodaje član 4c., 4d. i 4e. kojim se uređuju nadležnosti Gradskog vijeća i Gradonačelnika, vlastite nadležnosti Grada, te zajedničke nadležnosti različitih nivoa vlasti. Smatramo da se radi o materiji koju nije potrebno niti suštinski, niti nomotehnički uređivati ustavnim normama, već isključivo Zakonom o lokalnoj samoupravi KS, a koji proizlazi iz Zakona o principima lokalne samouprave u Federaciji BiH. Posebno je sporna odredba iz predloženom člana 4c, stav 2. tačka 2. u kojem se propisuje posredan izbor gradonačelnika od strane Gradskog vijeća. Naša stranka smatra da je ustavne odredbe u KS potrebno urediti na način koji će u skorijoj budućnosti omogućiti direktni izbor gradonačelnika Grada Sarajeva.

AMANDMAN III

Amandmanu LV se mijenja i glasi:

„U članu 38. stav 2. mijenja se i glasi:

Općina i Grad imaju pravo na odgovarajuće izvore finansiranja kojima slobodno raspolažu u okviru svojih ovlaštenja, kao i na sredstva za obavljanje delegiranih ili prenesenih poslova iz okvira i prava dužnosti Kantona“

Predloženi stavovi 3. 4. i 5. se brišu.“

OBRAZLOŽENJE

Smatramo da je prihvatljivo generalno navesti da jedinice lokalne samouprave imaju pravo na izvore finansiranja za provedbu vlastitih i prenesenih nadležnosti. Detaljnije odredbe o načinu finansiranja različitih nivoa vlasti u KS, potrebno je regulisati Zakonom o pripadnosti javnih prihoda u Kantonu Sarajevo, te stoga predlažemo da se predloženi stavovi 3. 4. i 5. brišu.

AMANDMAN IV

Amandman LVI se mijenja i glasi:

„Član 39. mijenja se i glasi:

Kanton, Grad i općine mogu imati pokretnu i nepokretnu imovinu.

Imovinom Kantona, Grada i općina smatraju se stvari, prava i novčana sredstva koja su stečena kupovinom ili na drugi način sukladno zakonima Bosne i Hercegovine, Federacije i Kantona.

Imovinom Kantona upravlja Skupština. Vlada može raspolagati imovinom u okviru ovlaštenja koje joj Skupština prenese posebnim propisima.

Imovinom Grada i općina upravlja Gradsko, odnosno općinsko vijeće, na način utvrđen statutom i zakonima.

Član 39.a se briše.“

OBRAZLOŽENJE

Smatramo da je potrebno napraviti uopšteni, integrисани član Ustava, kao i u slučaju predloženih izmjena člana 38. Ustava KS. Sve detaljnije odredbe vezane za imovinu Kantona i jedinica lokalne samouprave, potrebno je definisati Zakonom o imovini KS i drugim zakonima.

AMANDMAN V

Amandman LVII se briše.

OBRAZLOŽENJE

Smatramo da niti suštinski niti nomotehnički, obaveza donošenja pojedinačnih zakona u završnim odredbama, ne treba da bude dio Ustava Kantona Sarajevo. Određivanje vremenskih rokova za donošenje pojedinačnih zakona, također ne treba da budu dio Ustava Kantona Sarajevo. Obaveza donošenja pojedinih zakonskih propisa i izmjena postojećih, od strane Skupštine KS, je već propisana određenim višim zakonskim aktima (Zakon i principima lokalne samouprave u Federaciji BiH, te brojnim presudama Ustavnog suda Federacije Bosne i Hercegovine (povrede prava na lokalnu samoupravu, Zakon o imovini KS, Zakon o komunalnim djelatnostima, Zakon o komunalnoj čistoći).

Tražim da se predloženi amandman dostavi zastupnicima Skupštine Kantona Sarajevo, kao i predlačaču – Vladu Kantona Sarajevo.

Predrag Kojović
Zastupnik Naše stranke
Skupština Kantona Sarajevo

